

馬王
岱興
注著

清 正
真 教
指 真
南 詮

珪廬出版社

王岱輿著

正教眞詮

珪庭出版社有限公司

版 所 翻 必
權 有 印 究

中華民國六十八年
五月初版

清 真 指 南
正 教 真 詮

定 價：

著 者：馬 興 注
王 岱

發 行 所：珪庭出版社有限公司

發 行 人：陳 隆 浩

地 址：台北市木柵忠順街47巷3弄13號

電 話：(02)9324374

郵政劃撥：台北 112035 帳號

郵政信箱：木柵 3-3014 號

登記證：局版台業字第 1739 號

CATHAY PUBLISHING CO., LTD.
P. O. BOX 3-3014 Mu-Cha, Taipei
Taiwan(116), Republic of China.

151

恩綸叠沛



正教真詮敘

天地一形器也而道實於其中上自
俯仰觀察之天下至貌言舉動之微
莫不有一自然周行在智者過之愚
者不及故聖人修之以立教教者所
以納天下于軌物者也陶虞而下百

氏爭鳴東魯布衣中起纘數千年微
緒惟精唯一不偏不倚所以生民倫
常之道立而其教遂亘古而弗衰弘
文宣化如黃鍾如律呂然他氏則蠅
聲蛙噪耳獨清真一教其說本於天
而理宗于一與吾儒大相表裏昌黎

曰近乎儒者則進之是可悉其始末
而昌明之也厥祖自司馬朝徙入內
地其間或聚或散靡可稽攷而隋煬
帝侈情漢武四方夷譯稽顙而至清
真之教大衍于中幅矣其教亦不廢
君臣父子夫婦昆弟朋友之序而潔

已好施更廣吾儒所不足不分爾我
不殊遠近億萬人如一心東西朔如
一處此實混沌未鑿之元氣獨能保
留之而不失豈不大可尚耶且立說
平易不事玄誕與道釋兩家絕爲霄
壤較之吾儒性理一書同而異異而

同亦在所不諱其蘭臺石室之藏浩
足充棟但俱國音中幅之人無一曉
者岱輿先生慨道不大著教恐中湮
遂著真詮四十篇以行于世博採經
史菁英廣摭輿徒恒論疑似必辨志
在詳明使奉其澤者如在春風中坐

莫不識其由來其功亦伊教之紫陽
也且沾沾謙遜弗遑不敢自居作者
吾謂滄海一勺巨鼎一臠雖未足以
盡滄海巨鼎之大然其味亦不外于
一勺一臠間耳吾儒六經並垂光照
日月而程朱楊蔡諸君子復起而銓

註之如大全諸書是也今先生以四十篇闡其精微明白曉暢皆可漢讀亦不異公造指南使月氏遠人盡歸故國愚夫愚婦皆可與知與能也孔子曰西方有聖人不言而信不教而化吾今服其教矣太史占德星纏於

揚州之野主有異人出吾今見其人
矣先生將不得千秋俎豆乎哉

順治丁酉中秋後四日淮清何漢敬
識於清涼山房

正教眞詮叙

世界芥子耳。而說者須彌之果。須彌也。東西北南。日出入際。當何如。遼濶也。乃此地自唐虞以後。文物衣冠。日趨日盛。命曰中國。而實則止。可謂之東土。不可謂之中。若以天地言中。則

今所謂西域天房國日影之可証者
是也蓋有天地以來天房居四極之
中人祖降生于此始興治立教焉自
茲以後生人漸繁教道四達流被日
遠然其間不無聞見失真而向背各
半隋唐之際始流傳于東土非隋唐

以前無清真正教也。或曰：此地自數
百千年。堯舜禹湯文武周公孔子創
制立法。車書禮樂爲外夷之觀。物產
人工爲外夷之用。所以天子有道。四
夷賓服。固天之厚于此土也。卽有正
教。胡不由厚以施薄。而必緣彼以及

此乎爲此言者則亦未讀書之過也。今夫諸書所載天房之風土者有矣。四時如春無勁寒烈暑之氣百物咸備。多鷄駭希世之珍如菓棉諸種自彼而至。宮室服制視此尤隆。惟其于天地之間爲正教建中立極之地故。

特異于殊方人物修美山川秀麗戾
氣不干聖賢接踵是以孔子之對太
宰曰西方有大聖人焉不教而治不
言而化夫孔子爲東土儒者之宗一
言而爲天下法此言宜可信也然則
儒者之道非乎曰否宇宙間君臣父